



Ons doen ernstig moeite om diep te kyk, maar kyk ons ook wyd?

Om *Blitspos* te ontvang, stuur 'n e-pos na bladuitleg@nhk.co.za of grafies@nhk.co.za en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan taal@nhk.co.za

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

Waarskynlik is dit geen veralgemening nie: Elkeen van ons is al deur een of meer uitdagings in die gesig gestaar. In ons persoonlike, gesins- en werkslewe en helaas ook in die Kerk en in ons gemeentes. Ons maak so maklik van uitdagings krisisse en onoorkombare probleme. Ons sien geen uitkoms nie en gee dikwels op voordat ons perspektief gekry het op die werklike aard van die gebeure of situasie.

Die veronderstelling is natuurlik dat gelowiges altyd in die eerste plek die krag en die werking van die Heilige Gees aanvaar en nie onderskat nie. Tog lyk en klink dit soms of juis dit die laaste gedagte is wat by ons in ons krisistye opkom. Dit gebeur dat ons al óns planne en uitkomst bedink en wanneer niks werk nie, einde ten laaste hande in die lug gooi en verwese sê: *Nou weet en kan ek nie meer nie.*

Die eerste riglyn wat ons kry, is dat ons baie mooi moet dink en diep moet delf na die oorsaak van die probleem. Ons doen moeite en ondersoek dit wat óns meen die eintlike redes en oorsake kan wees. Ons kyk so diep en indringend na dit wat voor hande is dat ons heeltemal vergeet om ook wyer te kyk en ander insigte te kry. Ons doen ernstig moeite om diep te kyk, maar kyk ons ook wyd?

Die Algemene Kerkvergadering (AKV) vind vanjaar gedurende Oktober plaas. Bewus van verskeie uitdagings wat baie gemeentes en ook die Kerk ervaar, moet ons indringend kyk na die uitdagings en doelgerig werk aan volhoubare uitkomst. Wanneer gemeentes finansiële uitdagings op die drumpel het, wil ons baie keer die fundamente gaan oopgrawe (diep kyk) om die probleem(e) te soek. Ons is so verdiep in die soektog en werk so hard aan eie oorlewing en voortbestaan dat ons geleenthede wat daaruit kan voortvloei gewoon nie raaksien nie. Ons persepsie is dikwels dat daar slegs een of moontlik twee uitkomst kan wees. Ons perspektief vervaag – ons behou nie die vermoë om dinge in hul verhouding tot mekaar te sien nie. Ons diep ondersoek na die probleem kniehalter ons vergesigte só dat geen werkbare en volhoubare uitkoms vir ons moontlik lyk nie.

Wanneer 'n gemeente vanweë veral eksterne omstandighede gedring en selfs gedwing word om anders te dink, verval ons in 'n Job-op-die-ashoop warboel van gedagtes. Die dominee aanvaar 'n beroep of moet emeriteer, en hoe nou gemaak? Ons fokus so op onself en ons eie *klein* wêreld en sien net probleme en uitdagings. Veel eerder moet ons met ander en breër begrip en perspektief kyk na geleenthede wat daaruit voortvloei.

Die God van die Woord en die Woord van God is u en my riglyn. Filippense 1: 9 en 10 lees: *Ook bid ek dat julle liefde al hoe meer sal toeneem in begrip en fyn aanvoeling, sodat julle die dinge sal kan onderskei waarop dit werklik aankom.* Mag u en ek en ons as gemeentes en Kerk nie só diep kyk dat ons die geleenthede en uitkomst wat op breër vlak lê, nie raaksien nie. Mag ons in al ons soeke onthou om eers op te kyk!

Ds Leon Geel (sr)
(Grimbeekpark)

Lief en leed

- **Die volgende predikante verjaar tot 8 Augustus 2025, en word hartlik geluk gewens:**

- Woensdag 30 Julie: Di SJ (Sarel) Oosthuizen (Stilfontein-Wes) en DW (Danie) van der Watt (emeritus)
- Donderdag 31 Julie: Dr JH (Jan) Vorster (emeritus)
- Maandag 4 Augustus: Di JJ (Jan) Claassen (Naboomspruit), en PS (Stephan) van Tonder (emeritus)
- Dinsdag 5 Augustus: Ds PW (Duwies) Duvenage (Barberton)
- Woensdag 6 Augustus: Ds RG (Renier) Lee (emeritus)
- Donderdag 7 Augustus: Di HJ (Kobus) Celliers (Brits), EJ (Rassie) Smit (emeritus), en JAP (Johans) van Tonder (siekte-emeritaat)
- Vrydag 8 Augustus: Ds JB (Jan) Schutte (emeritus)

Gemeentes en bediening



Ds Oscar Madlala

- Baie geluk aan **ds Oscar Madlala** met die verwerwing van sy MA-graad in Strategiese Kommunikasie aan die Universiteit van Johannesburg. Die toekenning is op 24 Julie 2025 tydens die gradeplegtigheid amptelik gevier. Hierdie prestasie getuig van sy toewyding, visie en akademiese uitnemendheid. Mag hierdie mylpaal 'n bron van inspirasie wees vir ander en 'n kragtige hulpmiddel in sy bediening en kommunikasiewerk. Ons vier hierdie oomblik saam met hom en wens hom alle voorspoed toe vir die pad vorentoe!
- **Sinodale offergawes – Volhoubaarheidmodel:** Die Raad van Finansies wil reeds vóór die eerskomende AKV vir gemeentes die geleentheid bied om volledig ingelig te word oor die beskrywingspunt, en om enige vrae daaroor te opper. Die Raad glo dat dit die gehalte van die gesprek op die AKV sal dien en daartoe sal bydra dat die 74ste AKV 'n goeie besluit tot voordeel van die Kerk sal neem. Daarom bied die Raad van Finansies op die volgende datums webinarre aan insake hierdie voorgestelde volhoubaarheidmodel vir sinodale offergawes:
 - 29 Julie 2025 – 09:00 tot 11:00
 - 31 Julie 2025 – 18:30 tot 20:30
 - 18 September 2025 – 09:00 tot 11:00 en 18:30 tot 20:30Die Zoomskakel is soos volg:
<https://us02web.zoom.us/j/9427689935?pwd=d3d3K1N1cDU0a1plZCtjSS9ZSFY4dz09>
ID: 942 768 9935
Wagwoord: SGB
- **Preekbeurte op uitnodiging: Gemeentes Noordelike Pretoria en Wonderboompoort** is in 'n samewerkingsooreenkoms. Die kerkgebou is in Eloffsdal geleë en die gemeente benodig van tyd tot tyd preekbeurte op uitnodiging.
 - In die lig van bogemelde beoog die gemeentes om 'n **databasis** van beroepafwagendes en afgetrede (emiriti) predikante asook finalejaarstudente wat in die omgewing van Pretoria woonagtig is, saam te stel.
 - Die pligte sal hoofsaaklik preekbeurte, verkondiging van die Woord, huis- en siekebesoek, lei van begrafnisdienste en ander wat later dalk uitgebrei kan word, wees.
 - Vergoeding geskied volgens die riglyne punt 5 (Vergoeding vir preekbeurte op uitnodiging) soos neergelê in Omsendskrywe nr 8/2025 gedateer 11 Februarie 2025 of soos ooreengekom.
 - Beide gemeentes is vakant en 'n beroep sal eersdaags uitgebring word.

Indien u belangstel om by die betrokke gemeentes te preek, word u versoek om u **inligting en/of navrae** aan die volgende te stuur: oudl Dewald Jordaan 083 309 7206 of dewaldjordaan53@gmail.com of oudl Awie Viljoen 073 747 2351 of wonderboompoort@nhk.co.za. Die sluitingsdatum is **31 Julie 2024**. Laat aansoeke sal oorweeg word.

Werksgeleentheid

• HOOF: HERVORMDE TEOLOGIESE KOLLEGE

Die Nederduitsch Hervormde Kerk van Afrika (NHKA) wag aansoeke in vir die pos van **Hoof van die Hervormde Teologiese Kollege** (HTK) wat aan die Universiteit van Pretoria gesetel is. Die pos moet vanaf 1 Januarie 2026 gevul word.

Die volgende sal onder andere van die Hoof van die HTK verwag word:

- Om mentorskap aan HTK-studente te bied ter ondersteuning van hul behoeftes, geestelike en emosionele welstand.
- Om toesig oor effektiewe studente-administrasie te hou om sodoende die nodige ondersteuning in studentwees te bied en om voldoende verslag aan die Kuratorium te kan lewer.
- Om die nodige modules tydig te ontwikkel, gasdosente te werf en self ook lesings aan te bied sodat studente voldoende Kerkspesifieke opleiding ontvang.
- Om voortgesette bedieningsopleiding (VBO) te fasiliteer wat voortgesette teologiese toerusting (VTT) insluit en om die administrasie van die VBO-program te bestuur sodat predikante optimaal vir hul bediening toegerus kan word.
- Om die nodige navorsingsassosiate tydig te werf, self te publiseer en die kostepunt ten opsigte van publikasies te bestuur om sodoende Hervormde teologie te bevorder.
- Om jonger teoloë te werf en as potensiële dosente vir die toekoms te ontwikkel sodat teologiese opleiding in die toekoms verseker kan word.
- Om die HTK in samewerking met die SGB en die Sentrum Reformatoriese Studies uit te bou sodat teologiese opleiding verskans word en praktykkennis uitgebrei word.
- Om goeie betrekkinge met ekumeniese vennote aan die fakulteit te handhaaf sodat ekumeniese bande met Reformatoriese kerke uitgebou kan word.
- Om die visie vir strategiese teologiese opleiding en leierskap vir die toekoms te fasiliteer sodat die Kerk toegerus kan wees in veranderende tye.
- Om die begroting van die HTK in samewerking met die Bedryfshoof (Sinodale Dienssentrum) saam te stel en tydig te bestuur sodat daar verantwoordelik met die toegekende begroting omgegaan word.
- Om jaarliks aan die Kuratorium en Kommissie, en driejaarliks aan die Algemene Kerkvergadering verslag te lewer om behoorlike rekenskap te verseker.
- Ontwikkeling van toerusting van ampsdraers en lidmate.
- Ontwikkeling van bedieningsvaardighede van predikante.
- Skakeling met soortgelyke kolleges en opleidingsentra in die binne- en buiteland; en
- Oorhoofse bestuur van die *THT* in samewerking met die redakteur en redaksie.

Die geskikte kandidaat sal aan die volgende vereistes voldoen:

- 'n Geordende predikant van die NHKA wees;
- Oor 'n doktorsgraad in teologie beskik;
- Moet gesonde en gebalanseerde interpersoonlike verhoudings handhaaf en teologiese studente pastoraal kan begelei;
- Op hoogte wees van die huidige teologiese diskoers en daaraan kan deelneem; en
- Rekenaarvaardig wees.

Aansoekers moet die volgende dokumente indien:

- Volledige CV;
- Gesertifiseerde kopieë van kwalifikasies;
- Name en kontakbesonderhede van twee referente;
- 'n Selfevaluering van hoogstens een bladsy; en
- 'n Visie vir die uitbou van die HTK.

Van kandidate mag verwag word om psigometriese toetsing te deurloop.

Die pos bied die volgende voordele:

- 'n Kontrakaanstelling vir vyf jaar wat na afloop van die termyn hersien word.
- Traktement in lyn met die Kerk se skale.
- Behuisingstoelaag.

- Verlof soos per verlofreglement van predikante in die Kerkorde.
- Motortoelaag.

Aansoeke moet voor of op **31 Julie 2025** ingedien word by: Johan Hattingh (johan@nhk.co.za)

• WERKRUIJTE VIR DEELSORG BEDIENING: GEMEENTE DOLFYNKUS & DURBAN-SUID

Die Gemeente Dolfynkus, 'n hartlike en groeiende geloofsfamilie aan die Noordkus, tesame met Gemeente Durban-Suid, nooi aansoeke in vir 'n deelsorgbedieningsposisie. Aansoeke word ingewag van gelegitimeerde predikante van die Nederduitsch Hervormde Kerk van Afrika (NHKA).

Gemeentes

Ons is op soek na 'n dinamiese en roepingsgedrewe persoon wat met 'n passie in 'n gemeente wil dien. Die gemeentes is toegewyd aan die erediens en die verkondiging van die woord van God. Die posisie is ideaal vir iemand wat 'n lewende verhouding met Jesus Christus en 'n liefde vir mense het. Bybelse waarhede en gemeenskapsbetrokkenheid in ooreenstemming met ons geloofsbeginsels is 'n vereiste.

Verantwoordelikhede sluit in bedieningswerk soos uiteengesit in die Kerkorde van die NHKA (preekbeurte en eredienste), pastorale sorg en besoeke soos benodig, deelname aan gemeenteaktiwiteite en strategiese beplanning. Eie vervoer is belangrik.

- **Gemeente Dolfynkus**
Die Gemeente Dolfynkus is 98 jaar oud. Die gemeente het 38 belydende lidmate en 2 dooplidmate.
- **Gemeente Durban-Suid**
Die Gemeente Durban-Suid is 67 jaar oud. Die gemeente het 42 belydende lidmate en 10 dooplidmate.

Kerkgebou

Die Gemeente Dolfynkus beskik nie oor 'n eie kerkgebou nie en eredienste vind tans in Westbrooke plaas. Die Gemeente Durban-Suid se kerkgebou is in Beaconweg 137, Grosvenor, Bluff. Daar is nie 'n pastorie beskikbaar nie.

Vergoeding

Die gemeente kan die predikant vergoed met 'n totale pakket van R546 450 per jaar. Behuising van R18 000 p/m, water en ligte asook 'n datapakket sal bygevoeg kan word.

Leraarsprofiel

Die Hervormde identiteit en etos is vir die gemeente belangrik. Teologiese opleiding en ondervinding in gemeentebediening geniet voorkeur.

Aansoeke

Stel u belang? Stuur u CV (VBO-krediet ingesluit) en 'n kort geloofsgetuie en verwysings na die SGB-verteenwoordiger en -fasiliteerder dr Hannes Janse van Rensburg (HannesSGB@nhk.co.za).

Aansoeke sluit op **22 Augustus 2025**. Met ontvangs van die CV sal 'n vraelys aan u gestuur word. Die vraelys moet eerlik en sorgvuldig ingevul word. Kom wees deel van wat God besig is om by Dolfynkus te doen!

Onderhoude

Aansoekers moet beskikbaar wees vir 'n virtuele of fisiese onderhoud te Ballito, KZN.

Vertroulikheid

Alle aansoeke word vertroulik hanteer. Die kerkraad is nie verplig om een van die aansoekers te beroep nie. Aansoekers sal verwittig word wanneer die beroep uitgebring word.

• VAKATURE: PERSOONLIKE ASSISTENT VIR DIE BEDRYFSHOOF

Sinodale Dienssentrum – Nederduitsch Hervormde Kerk van Afrika (NHKA)

Die NHKA nooi geskikte en dinamiese kandidate uit om aansoek te doen vir die pos van **Professionele Assistent vir die Bedryfshoof** by die **Sinodale Dienssentrum** in East Lynne, Pretoria.

Pligte en Verantwoordelikhede:

- Professionele administratiewe ondersteuning aan die Bedryfshoof.
- Hantering van korrespondensie, afspraak en vergaderings.
- Versameling, verwerking en verspreiding van inligting en dokumentasie.
- Koördinering van interne en eksterne kommunikasie.
- Logistieke ondersteuning vir projekte en bestuursfunksies.
- Vertroulike hantering van inligting en sensitiewe sake.

Vereistes:

- 'n Geskikte kwalifikasie in administrasie, kantoorbestuur of 'n verwante veld.
- Ten minste drie jaar toepaslike werkservaring in 'n soortgelyke rol.
- Uitstekende rekenaarvaardighede (MS Office-pakket, e-pos, datahantering).
- Vaardigheid in Afrikaans en Engels (geskrewe en gesproke).
- Sterk organisatoriese en kommunikasievaardighede.
- Diskresie, lojaliteit en 'n professionele ingesteldheid.

Aanstellingsvlak en vergoeding:

- Markverwante salaris gebaseer op kwalifikasies en ervaring.
- Voltydse pos gebaseer by die Sinodale Dienssentrum in Pretoria.

Aansoekprosedure:

Stuur asseblief 'n volledige CV vergesel van 'n motiveringsbrief en ten minste twee kontakbare verwysings na: johan@nhk.co.za of mannekrag@nhk.co.za

Sluitingsdatum vir aansoeke: 31 Augustus 2025

Let wel: Slegs kandidate wat aan die vereistes voldoen, sal vir 'n onderhoud genader word. Die NHKA behou die reg voor om nie 'n aanstelling te maak nie.

Vergaderings

- Vrydag 1 Augustus: Oudit- en Risikokomitee

Kerklike en ander publikasies



R300

**DIE UITGEBREIDE
LITURGIESE KALENDER**

'n Kategismus, asook
historiese en teologiese toeligting

'n Boek wat elke predikant en belangstellende
lidmaat moet hê om elke Sondag op 'n
verantwoordelike wyse met die kerklike
jaar, en so met die evangelie om te gaan!

Geskryf deur prof **Natie van Wyk**

Bestel van mev Sarie Roux by boekwinkel@nhk.co.za



- In die **Augustus 2025-uitgawe van Die Hervormer** kry ons die geleentheid om ds Thomas Joubert se laaste artikel in sy onafgewerkte formaat te lees. Hy is oorlede voor die artikel afgehandel en gereed kon wees vir die Augustus-voorblad. Ons redakteur **dr Johan van Staden** skenk aandag aan nihilisme wat deesdae ook te bespeur is as nihilistiese gewelddadige ideologie. Wat gebeur as niks alles word? Kom vier ook saam met Gemeentes Parys en Losberg hul 100ste bestaansjaar! Ons kyk lekker na foto's van hierdie vieringe op ons middelblad. Bykomend tot die verspreiding van die gedrukte weergawe van *Die Hervormer*, word die artikels van elke uitgawe **op die Kerk se webblad** geplaas, en 'n **pdf-weergawe** word ook aan predikante en gemeentes beskikbaar gestel.

R250

**GESKIEDENIS VAN DIE HERVORMDE KERK
1824-2024**

Ontdek die ryk geskiedenis van die Hervormde Kerk van 1824 tot 2024. Hierdie nuwe publikasie van prof Wim Dreyer bied 'n diepgaande blik op twee eeue van selfstandige kerkwees en die kragtige geloofsband tussen die Hervormde Kerk en die gedeelde geskiedenis van die Afrikaanse susterskerke.

'n Moet-lees vir elkeen wat belangstel in kerkgeskiedenis!

Beskikbaar by mev Sarie Roux by boekwinkel@nhk.co.za

BOEKWINKEL-PROMOSIE

Mag hierdie Gedenkalbum ons opnuut tot dankbaarheid stem - dankbaar teenoor die Here omdat Hy deur sy genade ons toelaat om deel van sy kerk te wees, deel te wees van 'n skare gelowiges wat deur die eeue heen kon sing: 'Loof die Here! Ek wil die Here loof, met alles wat in my is wil ek sy heilige Naam loof. Ek wil die Here loof en nie een van sy weldade vergeet nie....' (Ps. 103:1-2).

Prof Wim Dreyer
(Uittreksel uit die voorwoord)

**WAS R300
NOU R100**

Bestel van mev Sarie Roux by boekwinkel@nhk.co.za

Kom kyk saam

Mej Kharla Guest, finalejaarstudent aan die Hervormde Teologiese Kollege, gesels oor hoe ons as gelowiges nie in afsondering van mekaar moet lewe nie. Luister saam.
#teologiestudente #pastoraat #geloof

Fondsinsamelings

- **Dis weer basaartyd!** Laat weet asseblief (taal@nhk.co.za) wanneer ons by julle heerlike pannekoek en basaarpoeding kan kom eet:
 - 2 Augustus Pretoria-Oos
Ebenhaeser
Grimbeekpark
 - 30 Augustus Rustenburg-Suid
Ottosdal
Ventersdorp



- **Gemeente Pretoria-Oos** nooi jou hartlik uit na hul **KONKA-konsert** op **1 Augustus 2025** waar **Corlea Botha en Ruhan du Toit** optree. Kaartjies beloop R200 vir volwassenes en R50 per kind onder die ouderdom van 12 jaar. Kontak gerus die kantoor (012 460 8441) vir verdere inligting.
- **Gemeente Sionspoort: Vleisfees**
Saterdag 2 Augustus vanaf 08:00 tot laat
By die **Tuinhekkie** net buite Randfontein.
Adam Tas, Liane Heyl, Bobby van Jaarsveld, JP Dix, Wynand en Chereé, Daemian-Lee, Prop, Ivan Roux, Hennie de Bruyn en die Kitaarkêrels, John Rock Prophet, Marko, Caitlyn Mitchell en talle ander kunstenaars tree heeldag op die **twee groot verhoë** op – met Vanes-Mari as hoofaankondiger. Sjef Vaatjie gee vleisadvies en beoordeel die slagambraaikompetisie. **Meer as 350 uitstallers** sowel as 'n groot plaasafdeling en ook 'n veteraanmotorskou, kameel- en lugballonritte, pretparke, kunsuitstallings, demonstrasies (onder andere mond-en-voetskilders), verskeie gesellige kuierareas en vele meer. Kom geniet die eetgoed, opwinding en feesatmosfeer. **Kontak** 082 464 1547 of besoek **Sionspoort op Facebook** vir die **feesprogram**
- **Gemeente Hartebeestpoort** (Brits) bied weer dié jaar hul 3de **Bosveld Mtb** op **2 Augustus 2025** aan as 'n fondsinsameling vir die gemeente. Daar is 'n keuse van vyf afstande, naamlik 4 km & 8 km *kiddies ride* 36 km, 91 km en 156 km.
Plek: Brits Vliegveld
Tyd: Begin om 07:00.
Aanlyn inskrywings kan gedoen word. Dié jaar het ons nog meer waterpunte en Bakkies Botha is ons gas vir die dag. Hy gaan self die 91 km doen.
Vir **navrae** kontak: Ds Corlien van der Merwe (083 654 8154), Marcel by Hartebeestpoort-kerkkantoor (012 252 4315), Mechiel Ras (072 605 1393) of Mias van der Merwe (083 320 2466). Klik **hier** vir meer inligting en inskrywings. Gaan kyk gerus wat sê die vorige deelnemers onder *Testimony* (sic) op die webwerf.
- **Gemeente Pretoria-Oos** nooi jou hartlik uit na hul **basaar** wat op **2 Augustus 2025** plaasvind. Bring jou kinders na die jeugarena terwyl jy lekker rondloop en die verskeie stalletjies soos boeke, pannekoek, plante, en die witolifantafel geniet! Kontak gerus die kantoor (012 460 8441) vir verdere inligting.
- **Gemeente Randburg** nooi u om 'n middag van hemelse musiek saam met met die internasionaal bekroonde sopraan **Amira Willighagen** op **Sondag 3 Augustus om 14:00 by die Hervormde Kerk Randburg** te beleef. Met haar engelstem en indrukwekkende repertoire beloop hierdie uitvoering om jou siel te roer en jou hart met vreugde te vul. Moenie hierdie unieke geleentheid om een van Suid-Afrika se grootste jong talente lewendig te hoor misloop nie. Bring familie en vriende saam vir 'n onvergeetlike musiekmiddag in 'n pragtige en inspirerende omgewing. Kaartjies is **hier** via Quicket teen R200 per persoon beskikbaar. Kontak ons vir meer inligting by 011 787 4983, **admin@nhk-randburg.co.za** of besoek ons webwerf **hier**.
- Dis weer daai tyd van die jaar! **Gemeente Ventersdorp** hou basaar saam met ons jaarlikse 4x4-dag.
 - Iets vir almal om te eet van soet tot sout, topgehalte vleis tot staatmaker pannekoek.
 - Stalletjies om van te kies en te keur.
 Ons sien jou daar! **30 Augustus 2025** by Trimpark Ventersdorp. Uitstallers is welkom.
Kontak vir Wessel 082 961 0144 vir enige navrae.
- Dit is weer tyd vir **Gemeente Kampersrus** Hoedspruit se **basaarloutjies!** Daar is **meer as R45 000 se pryse** wat gewen kan word teen **slegs R100 per kaartjie!** Die pryse wissel van 'n heerlike haarpamperlang ter waarde van R400 tot verblyf in Mosambiek vir 6 persone ter waarde van R16 000.

Daar is twee maniere om deel te neem:

- Koop direk by Susan la Grange.



- Jy kan ook via WhatsApp jou kaartjie by 072 636 8001 bestel. Jy sal 'n genommerde kaartjie elektronies ontvang. Betaal regstreeks in die bankrekening met jou lootjienommer as verwysing.

Bankbesonderhede: Nederduitsch Hervormde Kerk, Standard Bank, Rekeningnommer 033358346, Takkode 052752.

Die trekking vind op **30 November** plaas!



4 x 4 DAG

30 AUGUSTUS 2025

Aangebied deur die Hervormde Kerk Ventersdorp
Trimpark Ventersdorp

Baan vir alle 4x4 voertuie

Uitstallers is welkom

Navrae : 082 961 0144



Wen 'n biltong mandjie!

R25
per lootjie

Lootjies by Kharla: 084 024 3207

Bankbesonderhede:
Standard bank
Kharla Guest
Lopende rekening
Nr: 10167368255

Wenner
word op
1 September 2025
op ons
Facebook-blad
aangekondig.



VAN DER HOFF

Ten bate van
Van Der Hoff Teologiese
Studentevereniging

- **Gemeente Montana-Oos** vier DV die naweek van 5-7 September 2025 haar **50ste bestaansjaar**. Oud-lidmate en belangstellendes word hartlik uitgenooi om die naweek saam met ons deur te bring. Die program vir die naweek is soos volg:
 - Vrydag 5 September: Vanaf 15:00: Spitbraaikuier vir die hele gesin/dans.
 - Saterdag 6 September: 08:00: Pretstap en basaar van 08:00-13:00. Heerlike eetgoed, uitstallers van verskeie produkte, geskenke en vermaak vir almal.
 - Sondag 7 September: 09:00: Feesdiens en nagmaal met lede van Hoërskool Montana se koor. Verversings na die diens.

Vir meer inligting, kontak ds Frikkie van Wyk 083 625 6788 of die skriba Johan Emmenis 060 546 7438 of stuur 'n epos na gfvanywyk@nhk.co.za.

- **Gemeente Klerksdorp-Suid** hou 'n **Blesbokkompetisie** teen R50 per inskrywing.
 - Eerste prys: 20 kg wors & 20 kg maalvleis
 - Tweede prys: 10 kg Wors & 10 kg maalveis

Die gelukkige trekking vind op **7 September 2025** plaas.
WhatsApp vir Trudie (072 393 5187) vir enige navrae en aankoop van lootjies.

'n Gedig

Prediker 3: 2-8 (DB)

daar is 'n tyd om gebore te word en daar is 'n tyd om dood te gaan;
daar is 'n tyd om te plant en daar is 'n tyd om weer die plante uit te trek;
daar is 'n vasgestelde tyd om dood te maak en daar is ook 'n tyd om gesond te maak;
daar is 'n tyd om dinge af te breek en 'n tyd om dit te herstel;
daar is 'n tyd wanneer 'n mens hartseer is en dan is daar ook weer 'n tyd vir vreugde;
daar is 'n tyd om te huil en 'n tyd om weer gelukkig te wees;
daar is 'n tyd om mekaar lief te hê en 'n tyd om weg van mekaar te wees;
daar is 'n tyd om mekaar te liefkoos en 'n tyd wanneer liefkosing nie pas nie;
daar is 'n tyd om te soek en 'n tyd om goed te laat wegraak;
daar is 'n tyd om op te gaar en 'n tyd om weg te gooi;
daar is 'n tyd om iets te skeur en 'n tyd om dit heel te maak;
daar is 'n tyd om te praat en 'n tyd om stil te bly;
daar is 'n tyd vir liefhê en 'n tyd vir haat;
'n tyd vir oorlog en 'n tyd vir vrede.

Toerusting



Konferensie

Nadenke oor die Belydenis van Nicea

Navrae

PROF WIM DREYER
wimdreyer@nhk.co.za

PROF JOHAN VAN DER MERWE
johan.vdmerwe@up.ac.za

DR CHRISTO PRETORIUS
christo@pretoriafm.co.za

DR ANTIONETTE JANSE VAN RENSBURG
antoejvr@gmail.com

NHKA
Pretoria-Oos

12-13
Augustus 2025

12 Augustus
10:00 (Registrasie)
11:00 (Opening en verwelkoming)

R600
met verversings
enkelssessies gratis (sonder ete)

28 JULIE
met betaling

Uitnodiging deur
Die Werkgemeenskap Historiese Teologie (SA)
in samewerking met die
Departement Sistematiese en Historiese Teologie
van die Universiteit van Pretoria



- Op 19 Junie 325 nC is die eerste weergawe van die **Geloofsbelydenis van Nicea** amptelik aanvaar tydens die Konsilie van Nicea. Wêreldwyd vier kerke vanjaar hierdie gebeurtenis van 1 700 jaar gelede. Die Hervormde Teologiese Kollege het 'n **inligtingsblad** geskep oor Nicea wat gemeentes kan help om op hul eie manier Nicea te herdenk. Klik [hier](#) vir die inligtingsblad. Dit is 'n dinamiese blad en word gereeld bygewerk met nuwe inligting. Hou die gereelde-advertensie in *Blitspos* dop om op hoogte te bly.



Vier Nicea

1 700 jaar later

HTK se tema vir VTT 2025 is "**Nicea 1700 – Ek getuig**".

Gemeentes word hartlik uitgenooi om tussen **3 Augustus en 19 Oktober 2025** aktief deel te neem aan hierdie opwindende projek.

Wat is beskikbaar?
Baie inligting
Liturgiese riglyne en preeksketse
Toerustingsmateriaal

Besoek: <https://hervormdeteologie.co.za/>
Laat ons saam getuig van ons geloof – 1700 jaar ná Nicea!

Barmhartigheid



12 Augustus 2025
Silver Lakes Golfbaan
TEN BATE VAN KINDERBESKERMING

- Skryf 'n vierbal in vir R5 200
2 gholfkaretjies, halfwegete en aandete ingesluit
- Borg 'n putjie vir slegs R2 200 – middagetes ingesluit
Vierbal plus putjeborg vir slegs R6 800



DRIVE FOR A CHILD **064 437 5997** **info@rata.org.za** **www.driveforachild.co.za**

- **Vrywillige uitbetalings – Augustus 2025:** Baie dankie aan elke NHSV-tak en gemeente vir U getroue ondersteuning en bydraes deur die jare heen. U gee nie net finansiële nie – u gee hoop, hulp en liefde. Elke bydrae dra werklik daartoe by om 'n verskil te maak in die lewens van bejaardes, studente en behoeftiges regoor ons land.

Die uitbetalings wat in Augustus gedoen word, ondersteun vier belangrike fokusareas: Bejaardesorg by Ons Tuis en elders in die land, studieleninge aan Hervormde studente, barmhartigheidswerk in ons gemeenskappe, en ons tydskrif *Die Christelike Vrou*.

Ons vra dat elke NHSV-tak probeer om 'n derde van haar inkomste aan die Hoofbestuur oor te dra. Dit stel ons in staat om landswyd hulp te verleen waar daar tans soveel nood is. Die oorblywende twee derdes kan volgens die tak se eie oordeel aan plaaslike behoeftes en projekte bestee word.

Neem asseblief kennis dat oorbetalings aan plaaslike instansies, soos tehuise vir bejaardes, direk vanaf die tak of gemeente aan daardie instansies oorbetaal moet word.

Elektroniese betalings en bankdeposiete is welkom – klik [hier](#) vir die NHSV se betaalstaat. Stuur asseblief die ingevulde betaalstaat én bewys van betaling aan finansies@nhsv.org.za.

Met opregte dank vir elke oop hand en warm hart. Laat ons sáám die lig wees in 2025.

- **Seniordal-aftreeoord** is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in die veilige omgewing van Rietondale in Pretoria. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:

- Eenslaapkamer: R515 000
- 1½-slaapkamer: R520 000
- Tweeslaapkamer: R560 000

Kontak Salomie Stolz by 012 329 4313 (08:00-12:00) of 083 308 0520 (na-ure) vir meer inligting.

- **Herfsakker Selfsorg-aftreeoord in Groblersdal:** Behuising beskikbaar vir persone ouer as 60. Geen versorging beskikbaar nie, persone moet selfversorgend wees. Geen etes word voorsien nie. Eie tuin. Tariewe is per vierkante meter en verskil van huis tot huis. 'n Deposito van twee maande huur is betaalbaar. Vir meer besonderhede, skakel Frik Rossouw by 082 830 6591.

- **Belfast Rusoord** bied onder meer 24-uur mediese versorging, CCTV, 24-uur-toegangs-beheer, drie gebalanseerde maaltye per dag, en aktiwiteite vir elkeen. Daar is fasiliteite vir semiversorging, verswakte bejaardes, en woonstelle vir selfversorging. Kontak Riana de Villiers by 013 253 31211 / 063 663 7449 / manager@belfastrusoord.co.za vir meer inligting en tariewe.
- **Athalia Uitrek in Bloemfontein** bied verblyf vir en versorging van bejaardes en persone met gestremdhede. Daar is enkel- en deekamergeriewe in 'n huislike atmosfeer, verblyf met drie etes ingesluit, verblyf sonder versorging, en 24-uur-versorging. Navrae: 079 826 6363 / 084 023 0315 / 051 522 6089 / navrae@athalia.co.za / www.athalia.co.za.

Betaalde advertensies in hierdie nuusbrief

Die koste van advertensies is **R250 per plasing (BTW ingesluit)**. Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, verwysing: u naam + Blitspos. Neem kennis dat die redaksie in itsonderlike gevalle mag besluit om 'n advertensie nie te plaas nie en die adverteerder se geld terug te betaal. Meer besonderhede oor advertensies kan aangevra word van taal@nhk.co.za.

Gebed vir die week

Laat my nooit die grond verlaat nie.
Laat my in U skadu bly.
Gee dat elke aard se vreugde en vrees
eind'lik nietig word vir my.

Elke afdraaipaadjie ken ek.
Elke keer het ek gedwaal.
Elke keer het U my iewers kom haal.
Maak dit Heer, die laaste maal.

Elke dag is 'n gedagte.
Elke kamer net gehuur.
Elke aardse droom van rykdom en roem,
net 'n skadu teen die muur.

Wat ek is, is net genade,
wat ek het is net geleen.
Eintlik smag ek na U waters van rus.
Lei my, Heer vanaand daarheen.

Koos du Plessis

www.afrikaanse-musiek.co.za/gebed-koos-du-plessis-2/

